



日本野史


和書門			
一五九〇	二二〇	二〇〇	三九
號	函	架	冊

內閣文庫			
和書	一五九〇	二二〇	三九
類	號	冊	架


內閣文庫		
番號	和	15190
冊數	200 (98)	
函號	139	3







野史卷一百三十二



源忠彥 修



武臣列傳第四十

稻葉長通
稻葉正成

稻葉長通初名貞通稻葉系圖藩翰譜或名通朝系圖逆史美濃
 人也姓越智氏出自伊豫河野氏中葉四郎通信十
 一世通直子通富濃陽直弟通高或作初為僧居安藝安
 國寺名祐崇本宗稍衰武名不振祐崇奮激去而裁

髮如美濃更名屬守護土岐氏改稱族稻葉名鹽塵
隨藩翰譜荻原
筆見聞記

○按藩翰譜去貞通姓越智氏續藩翰譜去貞通
初名通高有故改姓藤原氏是為鹽塵而迨八世
孫桓通復姓越智氏據濃陽戰記私士齋藤氏來
由之篇稻葉右京亮藤原典通又同書稻葉之篇
建仁中二階堂行政子孫稻葉三郎左衛門光資
以為藤原氏去或傳云往時美濃有稻葉氏中世
越智氏人自豫州來而承其姓故去爾○野史氏
今考光資者非行政子孫鎮守府將軍秀鄉五世

公季為佐藤伊賀等祖公季玄孫朝光三男光資
稱稻葉伊賀三郎左衛門尉疑光資子孫徙居美
濃稱族稻葉後鹽塵因有所錄昌族稱矣乎通高
改姓之謂似有據矣未詳因何故改河野之所據
子通則居下田城濃陽戰記有子長男通勝次通房次
通明次豐通次通廣季乃長通也大永五年牧田之
戰通則及五子皆戰死中興盛衰記藩翰譜備考系圖貞通時甫八
歲在長良崇福寺為喝食其母某氏寡居能安撫士
卒迨貞通為十七歲迎入止張躬自焚粥食衆曰他
日奉喝食如先考之時莫令屬下懷異心而以可報

舊讐也乃下令奮激出而擊父讐未詳其人使喝食還俗名貞通稱字彦六或作名通貞通為人豪強勇武
紹倫居曾根城從岐禮清水戰蕃翰譜稱伊豫守與氏家安藤並稱西美濃三人衆貞通為謀首織田家譜
初屬齋藤氏永祿七年歸股織田信長織田軍記攻升戸十郎於河戸寨拔之使子貞通等守之自居曾
根城戰記信長伐一向徒投書擇世臣隸貞通或憤懣竊與美濃前亡遺類及大坂界浦阿波播磨國人持
戰機當是時信長陣于木幡山貞通傳令於諸部結柵浚湟嚴戒守備使敵不得窺隙衆或排榜以為怯

而信長聞叡山舉黨越軍遣人於野田福嶋諸寨使收兵驅歸岐阜貞通聞之先衆宵拂陣去到是皆服其警備甲陽軍鑑元龜元年五月丹羽長秀等受信長命入若狹携武藤景久質還京師信長亦歸適江州土寇起遮路途貞通父子屯兵于守山聞變馳赴擊破之獲首一千二百以送信長織田家譜六月信長與朝倉義景淺井長政對陣于姊川東照宮帥兵三千來援豫期戰備宮謂信長曰戰期在明日請對強敵一面矣信長曰隊伍既定冀固備竝諸部有弱者馳援焉曰予齡如紹三十則唯命之從苟為壯年

且遠路來會戰與人混合予所不欲如不聽則曳兵而去曰然則當越人可加援兵令誰可矣乎曰予邦小兵微每得練寡軍不能指揮多衆且以未識心腹者為相備似危也越人故令雖千萬我兵足衝焉信長強曰唯恐使貴客獨對北人遺嘲於天下卿素不恃我援予常識焉庶幾以一人為相備以禦世之滂矣曰然則可稱葉貞通也於是命貞通赴屬二十八日 宮隔妙川對越軍貞通率兵一千列後拒而信長與長政戰而不利師殆破越師三萬餘為 宮敗走貞通亦力戰長政軍遂潰信長賞貞通功授持字

令改名長通長通弗悅織田家譜九月信長圍叡山

長通與佐久間信盛密招掄山僧山僧不服織田家譜天

正元年七月大將軍義昭據宇治真木嶋信長發師

襲之長通父子先登終拔焉八月信長移營於越府

長通等分部搜索朝倉義景二十日長通路里民得

義景所在於大野山田莊六坊遣人誘朝倉景鏡曰

應殺義景而降猶豫則屠六坊併擊戮汝矣景鏡戰

慄應諾遂弑義景長通獲而獻之於信長二年七月

從攻長嶋賀嶋口次年與柴田勝家等伐加賀賊織田

家譜三年七月長通剃髮入道號一鐵似齋先是信長

信長之二字

信長授諱字長通不悅令子右京亮稱貞通於是剔
髮更號士藩翰增盛哀記○年初一鐵屬信長素非
心服私慮後患一日信長享一鐵於茶室將殺之一
鐵入室有三士接伴勸一鐵續軸畫贊一鐵嘗有文
才即誦畢伴士向其意一鐵審說解了信長隔壁聞
之乃闔戶直入曰我嘗聞汝荒暴之勇今始知有文
才如今士人唯馳馬握劍者而已不料雅惜若此矣
實今日之享非待賓之禮疑有貳心預命陪士為刺
客也方今愧卿文才而濯黑心願永為我謀臣與命
三士露匕首以視之一鐵頓首曰臣亦豫備今日有

計欲得敵一人而斃所佩乃是也少匕首措信長坐
下信長欲使紀伊人雜賀孫一郎及若右衛門令歸
降遣人不報且未知使者存否再使一鐵赴說兄弟
拜命從俱來執渴信長問曰初使者何如對曰殺之
曰何故殺之曰其人步騎眾多未嘗通一言驕慢騎
上呼門稱信長使者言誇色驕臣察將有虜戮之機
故殺焉曰何故不殺稻葉乎曰其體大異前使先可
數里慙慙通聲向去奉使命來焉臣自樓上望見鞍
馬質朴所從不過數人下騎城外僅率三人整威儀
徐徐而入臣感其有禮節自開門迎之及就坐聞命

義理明敏形體肅敬窺見布禪禪微垂股際牽表可知
守儉用財於武事之人也化其良士之風而服從是
臣不殺之謂也信長一笑一歎碎玉後屬秀吉天正
十二年森長一與東師戰于羽黑陣敗池田信輝及
濃軍出犬山聞敗且歆既逼師衆周章一鐵奮激曰
參遠軍鋒何足怖乎老者先驅而可覺恒弱睡眠矣
揮槍二三回呼曰老波漶血河衆粲然豐臣家譜東
師對犬山發喊三聲肅然而去一鐵率衆而還四月
長湫之役秀吉聞師不利乃發柴田到龍泉寺邊而
聞東照宮既旋師奮怒將進師一鐵苦諫秀吉曰

日已沒明日可決雌雄也卽頓于此藩翰而一鐵率
部下兵四千守岩碕山城豐臣家譜迨秀吉拜關白執一
鐵叙三位法印系圖十六年十一月卒歲七十三
號清光院藩翰譜備考長子貞通次重通次直政稱
勝右衛門次方通稱右近大夫食美濃西條後移居
和知仕東照宮元和中附屬尾張居金山系圖
貞通本名以飢藩翰譜備考稱右京亮豐臣家譜德川
津軍記作天正十一年秀吉賞諸將軍功予貞通于
右京進曾根城如故

○按廢城考貞通作名義通○柴田退治記天正

記並云天正十年秀吉封稻葉伊豫守於本國使
居曾根城蓋似長通始居之也然據信長記先是
長通既居此城知是非初封之地而太閤記作伊
豫守貞通與二書不同姑俟後考

十二年四月秀吉築城于奈良高田令貞通暨長谷

川秀一守焉豐臣家譜十三年七月叙從五位下任侍從

藩翰譜○或作天尋叙從四位下歷代名轉邑郡上地

十六年因秀吉命更修築謂之八幡城藩翰譜備庚

子役起貞通及子典通黨大坂守犬山城而意竊屬
東師迄東先軍達尾刈遣人于丹伊直改本多忠勝

以送款遠藤慶隆世居郡上先是遷邑於他處及難
起也竊謂貞通黨西據犬山城郡上必虛矣我能培
地理潛廻兵於飛驒襲其虛則必得焉乃與金森長
近合謀八月二十日整旅自升田口長近自長瀧口
歷嶮岨漸抵國境將攻城直改忠勝飛檄制止長近
慶隆謂遠歷艱路士卒苦險甫臨縣界空手引去非
莫遺憾遮莫他日有難急屠城以慰遠來之勞矣登
古田山檢量城郊九月朔齊進攻城貞通次男通孝
及一族土佐入道為留後事發不意周章騷擾通孝
傳令曰據守險要不一支戰使敵侵城壁衆口嘲哂

一已怯懦不如戰死矣入道奮勵帶甲闢門據險捍禦長近部下死傷者多退屯于尼碕山慶隆自和良口進屯于櫻町遣人勸降通孝陽應遽馳入於犬山告急貞通資性短急鹿猛聞變憤怒曰令敵侵我封域偷生何益之有雖一夫卒不可逸矣與子典通偕策馳歸到刈安邑族後軍三日曉將入城慶隆等先乞和守備稍惰貞通怒發喊一聲擊鼓鳴鉦圍然圍擊慶隆陣陣中迷惘不得禦備分崩擾亂死傷銜路長近慶隆退陣貞通悠揚入城睚眦敵陣歷日而遣使曰我嘗送款于東卿等不識而來襲矣請交質罷

兵乎將欲戰乎長近等應諾換質解去濃陽戰記貞通初屬意於東照宮自以為岐阜附庸假卦犬山於是剃髮緇衣抵福嶋正則赤坂營以謝正則為懇請遇赦十四日拜謁使通孝謂曰使家人拍原平助守大豆戶渡又嶋勝猛率兵二萬屯小牧度幾經廻清須路臣奉迎大旂宮可之會津軍記十二月賜白杵城後豐食邑五萬六千石藩翰譜備五十六歲而卒系國子典通通孝通孝稱修理進叙從五位下割貞通采邑一萬四千石賜之後有故復宗家慶長十一年卒于伏見子通熙賜秩仕幕府系國藩翰典通

小字彦六勇武不減父祖繼家叙從五位下任侍從
進從四位下從大坂冬役再軍起不及而罷藩翰譜
德川記
寬永三年卒子一通嗣子孫相傳世矣

重通初字勅右衛門仕信長父卒而後居清水城濃

食邑一萬二千石又屬秀吉叙爵稱兵庫頭慶長三

年卒家譜圖有三男子長道通次宗甫為僧次通重稱

甲斐守繼父遺邑仕秀吉及東照宮慶長十二年

遊京師東山遇本阿彌妻女道遙通重暴漫狎犯事

聞幕府坐邑除改易藩翰譜
中盛衰記重通養齋藤利三女

娶義子正成而離婚慶長九年召為大猷公乳母

更名春日局賜湯沐邑才智秀賴叙從二位著于世

麟祥院尼是也一本系圖
中盛衰記道通初字勅右衛門叙

從五位下稱左近藏人秀吉授豐臣氏家譜
德川記初道

通姊適牧村政吉政吉文祿二年卒于征明之役以

其子幼稚也秀吉命以政吉食邑岩手城在美
濃及多

藝渡會二郡附屬道通家譜
中盛衰記政吉子某初字與

一為道通被育養稍長改牛之助後道通及加賜邑

未復牧村氏采地某潛赴京師就所緣適加賀憑前

田利長當利長修築駿府城某與其人赴勤役會有

人密來刺殺某牧村氏不祀其姊在加賀適前田直

和再町野幸和而近侍幕府為尼稱祖心或作素心

興盛慶長四年秋道通與九鬼嘉隆訟獄論封境

東照宮裁斷之嘉隆處非據竊志之庚子秋宮東

發道通迎之於水口請從師弗聽命令保守居城道

通轉駕潛行途有飛銃首虛駕無幾上國兵與嘉隆

屬大坂築寨于中嶋距岩手里許逼以將奪鳥道通

糧

亦欲燬嘉隆所蓄今一色糧倉遣兵二百餘與敵戍

兵相鬪獲首三十三級梟之郊外而関原之戰東師

雷同敵徒竄伏頒賞加封二萬石併領四萬五千七

百石徙居田丸城伊勢藩十二年十二月卒歲

三十八系圖藩法名晋光受超號富春院備考系圖

子紀通本名通吉系圖小字大夫系圖年甫五歲

承父後十三歲隸松平忠明從大坂獲首十級藩

坂陣是歲忠明封大坂城為靖紀通移中嶋城拱元

和三年叙從五位下稱淡路守備考系圖○藩寬

永元年遷福知山城丹波慶安元年四月賜休暇歸城

而聞家事家人小鹽某有罪處刑其黨高坂某奪去

又放追速見某坐斬印内邑民數十人及高賈等所

連坐屬類憤怨其嚴酷士民危懼先是紀通請東府

修造城郭至是而成拂林藪浚湟固壁衆口紛紜或

疑紀通懷異圖又乞求鯨於京極高廣高廣素邪猜
疑紀通得以為芑苴賄有司故悉刎魚首贈一百尾
紀通恚謂有丹後人如過我城下者皆殺以散此怨
矣一日有丹後逸夫過者紀通自樓上望見縱銃射
殪之逸夫非京極氏人也於是苦虐蓄怨者皆相告
謂紀通謀反事聞四鄰侯伯駭恠各相傳戒嚴或馳
馬而聞東府紀通大驚先遣人于京師陳謝冤於所
司代板倉重宗重宗諭使紀通自赴大坂謝過於城
代阿部定次紀通往大坂時郡邑騷擾或謂征討之
兵既到烏紀通歎息曰我胡為懷異圖乎是無他鄰

國諸侯昏熾滅吾宗矣自辱於道路不如自計八月
二十日散銃藥於左右縱銃射鳩于庭樹上胡盧大

笑而自殺家人野原政次殉焉時紀通歲四十九

盛衰記法名胸雲詐暗號顯龍院

盛衰記舊章錄有三男子長竹松次岩松皆矢季大介在襁

褓幽稻葉正則許後紀通謀反寬誣事實覺次年三

月命賜父資財赦其幽踰年患痘夭家絕

稻葉正成重通義子也實林正三次男祖父曰通忠

美濃人姓源氏稱左近大夫正三稱字惣兵衛居高

須城屬齋藤道三後任右府信長

藩翰譜陽戰記

濃兄某字

新九郎後稱内匠助娶重通女而死内匠助或作正
成醜嫂為重通義子中興盛冒稻葉氏初仕関白秀
吉文祿元年出屬小早川秀秋為老食邑四萬石稱
佐渡守家譜盛庚子之秋從秀秋于関原又攻佐和
山城秀秋罷勞正成代執兵柄遂陷之東照宮賜
書於正成曰秀秋勲功偏所汝勸成也賜物若干寶
慶長六年十二月正成去備前向居美濃谷口家譜十
二年召賜舊邑十七條美濃田一萬石更稱内匠頭大
坂兵起從軍獲首二十七級藩元和四年附越前
加食邑一萬石為絲魚川城主家譜盛九年辭仕而

退去正成初醜重通女生政貞正次而室氏死配重
通養女生正勝正定正利後離婚娶永見氏生正房
又納山内氏生正能系圖寛永四年二月召賜真
岡田野下二萬石系圖盛十二月更叙從五位下復稱
佐渡守系圖五年九月卒備考法名輝宗道範號現
龍院考有七男子長政貞字三十郎又稱權十郎
仕尾張食十七條田一千石

○野史氏今考或說政貞實林政行子而重通女
所產也政行戰死于勢田而後重通女為寡再配
正成故政貞從母氏為正成養子去

次正次稱八左街門食青野田濃美五千石寬永五年
卒以子幼稚附食邑於季弟正能備考次正勝次正
定稱七之丞仕尾張次正利稱內記屬峰巖公子忠
長後幽肥後而死次正房初字采女稱少雲守仕越
前次正能或作正吉初字權佐兄正次死其子幼年賜其
邑音野五千石警衛甲府城慶安三年為書院番頭
四年八月叙從五位下稱伊勢守明曆二年為駿府
城番赴鳥正能有嬖童松永喜內者與老臣安藤甚
五左街門押愛懼發覺七月三日夜密弒正能于寢
室事發覺夷三族系圖家譜正能時歲三十九法名

性山鐵心號瑞雲院補考子正休字權佐繼父後為
小姓隊番頭轉側衆累食一萬二千石列為若年寄
貞享元年八月二十八日登營謂大老堀田正俊曰
有議事請謁正俊諾而談正休遽起抽短刀刺殺正
俊大久保忠朝馳到遂斬正休時歲四十五家譜盛
坐邑除正休是日當少郎謂母氏曰某浴恩久矣頃
間將有益封徙弟之命以迅速為要也預命衆拔移
弟之備矣母氏應諾急投其備迨是日事起抄沒郎
弟從者一無周章者衆歎正休之遠慮記正休嘗擇
鍛工今造佩刀對搥質數試數鍛迨其恠意裝作佩

刀以刺正俊去或用兼房作刀去田邊徐正俊遇殺
府下大小侯伯盡往吊其死雖親戚故舊畏憚公儀
莫敢來訪正休第特參議光因親自來見室氏及臣
士吊問懇至草翁

正勝小字千勝甫八歲以母故出仕寵遇眷隆終列
老中累加賜采邑領八萬五千石居小田原城稱丹
後守叙從四位下任侍從子正則嗣稱美濃守為加
判列叙從四位下任侍從掌內書事加賜采邑併食
十一萬石藩翰譜系寬文八年江府下大火後修市
谷門不成渡樓而作土庫形所以欲制度堵第壯麗

也正則歎曰修補城郭用省畧甚違先世之制此科
歸我一身去延寶八年正則受命修紅葉山廟堂天
和元年辭職三年致仕號泰翁迨常憲公立而後
一日召問越後家騷亂之故曰雅樂頭及汝等何故
愆滯判決泰翁改容答曰臣嘗欲言之者久矣雅樂
頭已歿臣亦老而未果今被顧問臣等之幸雅樂亦
忻躍于泉下矣先君病篤托大政於雅樂越後家宗
室胡為輕忽得決之且聞家人爭權騷蕩耳未聞犯
律行暴惡故有堆議滅國者矣是以高議不決偶先
君卽世更不辨所置又問迎有柶川親王之議實

然否謹對曰臣等竇所議也嘗聞先君侍女有身如
有弄璋則竢其成育故欲迎親王為養君倘迎立公
或甲府殿及三家堵君則雖有弄璋不可如之何耳
既當公嗣立聞佐服傳右衛門女有娠故真德松君
于館林是所以欲有弄璋則以為嗣君也惟欲太祖
正統不絕議立親王者以進退之便故耳臣不敢食
言今奉顧問臣生前大幸莫加焉矣野草武子正通
初稱丹後守歷奏者番寺社奉行天和元年補京師
所司代叙從四位下任侍從殊賜河楳田三萬石靖
載髮三年襲父封領食邑於諸弟收先封田三萬石

適職之後有祇園嶋原八坂靈山等地橫恣徘徊者
或旌誘公卿雲客屢蕩遊耽酒狼藉往來者事聞正
通正通命捕之鞠問其人乃挂昌君姪近藤新五郎
者而嵯峨宗賀子也正通畏縮乞免職未竝聽命遽
起如東府減持槍一本剃頭勢為淺草倉火防司憑
松平吉保本莊宗資被擢為大留守居或時常憲
公入第三郭正通陪從挂昌君請召正通謂曰卿莫
敢俯首嘗聞卿為春日局之曾孫與他人不均等局
也者雖婦女子有才且智預聞國政竭力杖戴大
猷公因其功勞得有今日卿為其孫不亦疎焉賜物

有差明日殊命為老中桂昌君諭曰卿以新五郎故莫為念是乃渠自得也妾亦不敢以為意也武林隱見錄

寶永四年辭職老改稱内匠頭六世孫正益

正益本名正甫叙爵稱内匠頭繼家改丹後守為奏

者番兼寺社奉行叙從四位下初老臣田邊信古或作

敬勝專恣悖道正益固戒褫其職而諭家臣曰家貧公

私不辨我欲守儉以復家弊嘗聞往年遭災兵器多

失急欲備之我幸約身省費數年竊藏兼金殆克萬

兩以可備武仗雖然急之則亦有障尋矣故聞之於

東府連年欲備之債主亦聞不償債而修武仗嗔沮

必矣他日尚節用約身積功以報債主矣眾感服草翁

正益孫正堪

正堪繼兄正弘後叙爵稱丹後守資用不繼稱疾不

東行五年意甚憂懼召儒臣岡彦兵衛問政事可否

對曰君用先王之道則不數年而成矣乃托家政於

彦兵衛彦兵衛曰諾莫改秩祿請定格位下命於諸

臣使臣執事於是舉准室老乃下號令三章曰鰥寡

孤獨廢疾有親族者各撫養無親族者憇之憇者予

人三口糧曰諸商賈魚資給者盡借銀穀復其舊先

是多收抽分料高賈懼廢業者多於是復故曰去

彦兵衛執家事三年領下人民^競勤孝悌勵產業國
用稍備迨安永乙亥年遂往東府^{草翁}歷奏者番兼寺
社奉行為京師所司代叙從四位下任侍從子孫今
居淀城^{城山}食邑十萬二千石世族
正武正勝族孫正明子也正明叙爵稱越前守累秩
食勝山^{山房}田一萬石為側衆申次寬政元年告老正
武小字本三郎幼而近侍^{俊明}公年甫十歲一日
覺了公子宗尹候西域正武侍坐宗尹謂正武曰子
齡幾許矣乎不應問再三猶不對左右僉曰宜應答
正武從容顧衆曰嘗聞刑部卿殿義准尾紀水三家

而言語悖禮故弗應^{滋家手錄公}後叙爵稱播磨越
中等守子孫今尚列族籍

